



17276

cool bump.

1

Mag. St. Dr.	P
--------------	---

P

*Winkler Martini. In solenni alta juven-
tione. Holm S. Th. Doctors. — collatis.*

PANEG. et VITAE

Polon. 4^e

No. 36

I

J

IC

F

ra

n

S

I

m

e

po

Qu

tio

bli

3

IN SOLENNI ACTV PROMOTIONIS,

Trium Sac: Th: DOCTORUM,
in Vniuersitate Crac: PP. & AA. RR.

JACOBI BALTAZAROWIC,

CANONICI Crac: & Vniuers: Gener: RECTORIS,

IOANNIS MICHALSKI, Præpos: S. FLORIANI.
FRANCISCI PRZEWOŃSKI, Decani S. ANNÆ.

raro exemplo, & incomparabili Regiæ dignationis, & be-
neuolentiæ argumento, summum Actui decus & coro-
namentum dante Augusta & coronatâ præsentia

SERENISSIMI, & INVICTISSIMI REGIS
IOANNIS III. D. D. Clementissimi;
magnoq; totius Aulæ cæterorumq; suis Titulis spe-
ctatissimorum Hospitum, concursu & frequentia:

post decisas à singulis Magistràliter, & disputatas antè,
Quæstiones Theologicas, tam ratione Licentiaturæ, quàm ra-
tione Doctoratûs, quas Vesperias vocant, expeditamq; pu-
blicè Professionem Fidei Catholicæ: Insignium Doctorali-
um per Promotorem

A. R. MARTINVM WINKLER,

eiusdem Facultatis Doctorem & Professore, BIBLIOTH. UNIV.

linguâ & calamo publicata collatio;

in Ecclesia S. ANNÆ.

Anno Dñi, 1684. Die 27. Mensis Ianuarij.

A



Pulcher



Vlcher laudis amor, & quæ sola, Sapientibus etiam, nouissimè exiit, gloriæ cupido, nobile ingentibus ausis calcar, & Heroum nonnisi certissimus index atq; nota, igneas mentes suâ dulcedine cùm implet, magis accendit, & ad summum decus summâ ope eluctatur. Non aliud porro, ad hæc Thessala Tempe, amænosq; locos, Regium iter est, quàm famosum, non illud quidem, cæcis iam & videntibus, haud ignoratum, virtutis ac voluptatis biuium, sed biuium aliud, seu Palæstra Herculis, siuè fortium Virorum Imperatoris, siuè eiusdem Musagetis, hoc est Comitæ Ducisq; Musarum: nam vtrumq; nobis seria Vatum carmina decantauere. Honestissima vtrobiq; contentio; tam in stadio pacatæ Mineruæ, quàm hastæ & ægide armatæ Palladis; non magis humanum exitiabile genus delendo, quàm donando immortalitatem; tam per sanguinolenta tela, brutaq; Martis fulmina, quàm per animi ingenijue vires, calamos, Librosq; & innoxiam Musarum supellectilem, Laurea comparatur. Quod si illa, quæ triumphis olim dicata, cæde nonnisi, strage, & sanguine constabat, tanti erat; quanti æstimanda venit hæc, quæ pacis opus ac solatium, mitis atq; innoxij triumpho comes, saluberrimo instituto, à Martis castris, atq; horrentibus signis, ad pacis munia decoraq;, à Cæsarum Pontificumq; ianuis, quas inumbrabat, ad doctorum

rum præmia frontium, translata est. Hæc demum,
quæ non ex fictitij Apollinis luco, aut somniorum fa-
bricatore Parnasso, alumnis suis decerpitur; sed quam
Diuinorum interpret arcanorum, Princeps Facultas,
æternæ felicitatis prodroma in terris Sapientia, dilar-
giri consuevit. Hæc sanè Vestrorum in Regno virtu-
tis & sapientiæ, laborum ac vigiliarum, augusta nunc
meta est, Sapientissimi Sacræ Laureæ istius Licentia-
ti: audiuerè Superi vota Vestra, quibus ad inuidiam
felicibus damnati, ultra spei etiam Vestræ metas pro-
gressi estis, dum Lauream Theologicam, capitibus
Vestris imminentem, non iam in Iouis Capitolini
gremio deponitis, sed ante ora placidamq; luminum
Maiestatem, IOVIS POLONI, supra omnes ve-
terum Heroum Laureas Inuictissimi, Regnorum Chri-
stianorum Statoris, ac Vindicis, Serenissimi eiusdem
ac fulminantis. Hoc profecto; maius priuato votum
Vestrum erat; hæc iam est Famæ pars maxima Ve-
stræ. Igitur ex meritorum velut templo, ad amplissi-
mum hoc Honoris Vestri Theatrum, tandem faustum
lætumq; ferte gradum, vt comprehendatis brauium,
non euanida ementiti fulgoris spectra; sed vera soli-
dæ dignitatis ornamenta, præclara ad omnem poste-
ritatem Theologici Honoris Insignia reportaturi.

Illorum primum Vobis trado, Mitram Doctora-
lem; non indecorum Laureatis frontibus tegmen, Pi-
leum Libertatis illius, quæ Vos, à seruili ignorantia, &

foecordiae atq; defidiae mancipatorum abiecto grege
separatos, in altissimam Filiorum Lucis, Sacrae Do-
ctorum disciplinae, Increatae Sapientiae Interpretum
dignitatem transcribit. Color illius obscurus & nocti
concolor, vigiles noctium curas, literatam lucubrationum
fuliginem, & vni intentam contemplandae pro-
fundissimae veritati, aciem, Doctoribus seuerè obnun-
tial: nè disgregent visum, interiorémq; mentis pu-
pillam, vana, fucata atq; caduca, sed vt congregent,
sancta, incondita, atq; aeterna. Incubans Circulo qua-
dratum, admonet, solidi super Orbe Fortunae con-
stantisq; status, quem in omni vitae statione seruare
debet Sapiens; simul poscit ac desiderat velox eiusdē
ingenium, mobile, rotundum, paratum velut in nū-
merato, omnium capax disciplinarum.

Alterum est, aureus in breuem Orbem redactus
annulus, qui fulgore suo atq; pretio accendere debet
animos ad contemplandam Aeternam illam Sphaerā,
cui⁹ centrū ubiq; circūferentia nusquā est. Equestris
olim census insigne Romanis fuit; Vobis erit, verae
Nobilitatis, ab animo bonaeq; mentis cultu, deriuata:
quae suam cuiq; de proprio laudem, hoc est, ve-
rum decus, rependit. Diua Facultatum Princeps The-
ologia, quam per tot vitae fortisq; vias, expetiistis
Sponsam assumere, amatores facti formae illius, cui
non perfidum dixistis dudum Sacramentum, ecce au-
reo hoc, qui scoriam rubiginemue non contrahit,
arrha-

arrhabone, obligat sibi Vos; digitosq; Vestros amplius æternitati laboraturos, hoc insigni exornat, vt, veluti gemmæ nitentes, auro inclusæ, mutuum illi decus, quod ab eâ accipitis, sanctè integrèq; reddatis.

Tertium, Liber est, aduersus obliuionem ac vetustatis iniurias fortissimum pharmacum, ætatis nostræ, cum clarissimis omnis æui ingenijs, vinculum quoddam & coagulum, solum, quod mori non nouit, ferreæq; temporum gulæ obsistit, ære perennius monumentum, solaq; digna Doctore supellex. Liber qui debet esse Doctori, non segnis otij magnificum velamen, non vanæ iactantiæ & ostentationis argumentû, velut vasorum Corinthiorum, tabularumue pictarû, aut statuarum, ornandis triclinijs, pretio conquistum spectaculum: sed magnus immortalitatis & honesti ardor, acuendæ industriæ intendendiq; laboris paratû illicium, nè ignaui hæredes simus tot opum, quas nobis doctissimi Scriptores reliquere. Clausum itaq; hunc vobis primum trado, vt quæ abdita sunt, quæq; latent, iugi contentione quærat; bene scientes, multo plura restare nobis discenda, ijs quæ didicimus. Eundem, trado apertum Librum, vt quam gratis accepistis, sine inuidiâ communicetis doceatisq; sapientiam.

Osculo deinde pacis, Diuinæ Sapientiæ nomine, Vos amplector, quod ipsum Cælestis Sponsa, ardenti flâgitauit desiderio à Sponso suo. *Cantic. r.* Petit enim

osculum (mellifluo Doctore interprete) id est, Spiritum Sanctum inuocat, per quem accipiat simul, & scientiæ gustum, & gratiæ condimentum. Et bene scientia, quæ in osculo datur, cum amore recipitur, quia amoris indicium, osculum est.

His muneribus atq; honoribus ornati, Cathedram Doctoralem conscendite, fortiter occupate portum, & votorum Vestrorum, & spei publicæ, vt in hac speculâ, fulgeatis & luceatis omnibus hominibus, in puritate vitæ, & professione veritatis: Quos ego interea in vniuersum & singulos Authoritate Apostolica. &c. &c.

GRATIARVM ACTIO.

Virentibus perpetuo Gratijs innexus semper erat Musarum chorus, insigni documento, beneficiorum memoriam, nunquam tristi senio solui debere, sed integram vigentemq; Literarum ope, in animis mortalium perennare. Omnes sanè Gratiæ, cum in hodierni Actus Coronam conuolarent, quis non æquum omnino & consentaneum arbitretur? cæptum ab ijs opus, in iisdem consummari. Illarum igitur primùm Authori, omnisq; boni Principio & Fini Deo Opt: Max:, cui totum nostrum esse, moueri, sentire, ac intelligere subest, quidquid actum dictumue hætenus est, inscribimus, & quantum Factori suo vile opus, substernere se, subiicereq; potest, tantum facimus; cum simus puluis & cinis ante Dominum.

Incar-

Incarnatæ Sapientiæ Matri, R. V. Deiparæ; ac
toti triumphanti Curia Cælesti; Diuisq; Regni huius,
Patriæ, Urbis, & Iagelloniani istius Lycæi Tutelaribus
ac faustis Genijs, appendimus votiuum anathema cul-
tûs, ipsis, à mortalitate nostrâ debiti, omnes nostras
Literas, illis in clientelam damus, & sub vmbra
magnarum alarum cogimus, eò scilicet, quò æstus a-
ut turbo Musis aduersus, pertingere non possit, vt ve-
tus hæc, abundè olim toti Regno sufficiens Nutricu-
la, studiorum Septemtrionalium, vel inrer tonitrua
fortunæ, Alma semper Parens, nunquam effata ma-
neat, etiam cùm se consumptam putauerit, oriatur,
vt Lucifer.

Secundum Deum ac Superos, prima in terris, ac
suprema Actus præsentis Gratia: omni gratiarum a-
ctiōe maior; imò Diuinæ Gratia, Orbi, non iam soli
Lechico, sed toti verè Christiano, non sine ingentis
miraculi fide, recens ostentatæ, maximum Munus &
argumentum; demissum cælo, fatale tutandæ propu-
gnandæq; Fidei Ancile; Salus ac Faustitas electi Popu-
li, strages ac perniciēs Barbari; Tu, oculis, animis &
cordibus omnium occurris, & suauiter illaberis. SE-
RENISSIMÉ REX. Domine noster Clementis-
sime. Hæremus omnes, velut turbulento somnio cir-
cumamicti, mihiq; ipsi, qui canora vox omnium &
publicæ gratitudinis Lingua esse debui, en vox faucibus
hæret, nec satis verba luctantia expedit, quibus laudes

Tibi,

Tibi, vel inuito, gratesq; ingeramus. Ea est sermonis
humani inopia & exilitas, magnitudine coram Tui
Nominis, quæ cum altius ascendere non possit, solo
descensu hodierno, maiorē fieri posse adinuenit: dum
hoc laudandarum disciplinarum domicilium ac tem-
plum, aspectu, qui cuncta serenat, illustrius & sanctius
reddere, his angustiis arctare Maiestatem Tuam ultra
Solis anniq; vias porrectam, Tuumq; hoc Augustum
os, cuius spiritu, tot populorum vita ducitur, nobis ac
Musis spectandum venerandumq; præbere voluisti.
Debuerat hîc totis visceribus purpurata triumphare
Eloquentia, hîc ore profundo ruere, omnem effunde-
re apparatus, omnes flexanimæ Dææ tripodas, omnia
æra sonora concutere: sed, qui tot admirandis, mor-
tale fastigium, Teq; ac Famam excessisti, dabis ve-
niam, si, consumpto omni loquendi sonādîq; artificio,
solum stridet crepitaculum raucum. Ergo pertinax
pro Te Superum fauor, nostram fulciat sustentetq;
imbecillitatem, dumq; nos non possumus, illi pro no-
bis referant Tibi Gratiam: continuent firmare Domū
Tuam Regiam, ijs munimentis, in quibus semper vi-
uas R E X, semper triumphes Victor, semper audias
hostium & inuidiæ Terror: stabiliant in manibus Tuis
Palmam hanc nobilem, quā Christianum Orbem, ab
æstu Threijci fastus inūbras, quæ Te, viuentem vidē-
temq;, euehit ad Deos, cæloq; iam ac syderibus infert,
dignā sanè, licet inusitatæ virtutis meritis, impare
adhuc Apotheosi.

SO

BIBLIOTH. UNIV.



JAGELLONICA

Biblioteka Jagiellońska



stdr0016942

84 - 8, I